

III.

IN nomine Domini amen. Per hoc presens scriptum uniuersis & singulis pateat manifeste, quod anno a natiuitate eiusdem millesimo tricentesimo, sexagesimo sexto, indictione tertia, pontificatus sanctissimi in Christo patris ac domini nostri, Domini *Urbani*, digna Dei prouidentia sacrosancte Romane ac uniuersalis ecclesie summi pontificis, pape *quinti*, anno quarto, quinta feria proxima ante festum penthecostes, hoc fuit XXI. die mensis Maii, hora sexta uel quasi in cimiterio *parochialis ecclesie ueteris opidi Grünenberg*, latere sinistro, iuxta iter Lapideum, tendens ad forum prope domum *Eruius* dicti *Scheffin de Gysen*, in mei publici notarii ac testium infra scriptorum ad hoc rogatorum presencia, constituti honorabiles uiri, dominus *Hermannus de Biren*, & dominus *Ludouicus* dictus *Manzlar*, presbyteri, procuratores seu prouisores *unionis seu fraternitatis* isto pro tempore constituti & ordinati honorabilium uirorum *rectoris ecclesie parochialis opidi prefati Grünenberg*, ac *sacerdotum altaristarum* ecclesia in eadem prefata beneficiatorum, nomine & loco suorum confratrum *privilegium* quoddam, seu literam ostendebant, ab illustri principe ac domino domino *Henrico*, *Lantgrauio terre Hassie*, firmiter ac fideliter duplici sigillo, magno & paruo, a tergomagis compresso, roboratum & munitum, pendente sigillo ut predicatur concessum & datum in ratificationem ac liberracionem *unionis seu fraternitatis honorabilium Virorum*, dominorum *rectoris ecclesie parochialis prefate ueteris opidi Grünenberg*, ac ecclesia in eadem altaristarum prefatorum, desideran-